

16. oktober 2017

Inatsisartut Suleriaasianni § 37 naapertorlugu Naalakkersuisunut apeqquiti imaattut matumuuna saqqummiuppakka:

Naalakkersuisunut apeqquiti inuttalersuisarneq pillugu malittarisassat pillugit

1. Aalisarnermut piniarnermullu Naalakkersuisoqarfiup ilinniarsimanermut suliffeqarnermullu Naatsorsoqqissaakkat kisitsisit suut tunngavigaat isumaqaramik, inuttalersuinerminunaqavissut 90 %-iunissaannut piunasaqaatit aalisartitseqatigiiffiit naammassisinnaagaat aamma ilaatigut tassunga ilanngullugu Kalaallit Nunanni aalajangersimasumik najugaqareersimanissamat piunasaqaat.

2. Naatsorsoqqissaakkani takuneqarsinnaanerluni qassit naapertuuttumik ilinniagaqarnersut aamma taakkunannga qassit suliffissaqanngitsutut nalunaarsorneqarsimanersut?

3. Naalakkersuisut inuttassat pissarsiariniarnerisa ajornartorsiutaasarnersat pillugu aalisarnermik inuussutissarsiutillit oqaloqatigisimanerlugit aamma aalisarnermut qanoq kinguneqassava, inuttalersuinissamat piunasaqaatit naammassineqarsinnaanngippata aqumiunik ilinniarsimasunik amingaateqarneq pissutaalluni?

4. Naalakkersuisut nalunaarummi paasissutissat tunngavigineqartut pillugit allattugaatinik piniarneq soormitaavaana itigartissimagaat aamma tassunga ilanngullugit nunavissut aqumiutut ilinniarsimasorpasut suliffissaqannginnerarlugit oqalunnermut paasissutissat? Naalakkersuisut paasissutissat taamaattut inatsisiliorluni piareersarnermut tusarniaavigineqartussanut ilaasutut isiginerlugit taamaattumillu allanit susassarineqanngitsutut?

Tunngavilersuut

Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. november 2011-imeersoq - tusarniutigalugu nassiunneqarpoq ulloq 10. oktober. Tassani kalaallit angallataanni 24 miiterimik tamaat naallugu takissusilinni aqumiunik atorfinitsitsisarnermut malittarisassat sakkortuumik sukaterneqarput.

Tassa massakkut minnerpaamik aqumiut 90 %-ii - siornatigut 60 %-iusut - Kalaallit Nunaanni qaammatit 24 kingulliit il.il. ingerlanerini najugaqarsimasussaataalerput. Piumasaqaat aqumiut 70 %-iinnut atuutissaaq 1. januaari 2019 aallarnerfigalugu kiisalu aqumiut 90 %-iusussaataanerat atuutilissaaq 1. januaari 2020 aallarnerfigalugu.

Nalunaarummi sukaterinermut tunngavilersuutigineqarpoq nunaqavissut sapinngisamik amerlanerpaat aqumiutunut atorfinitsinneqartalernissaat.

Kalaallit Nunaanni Naatsorsueqqissaartarfiup paasisutissaatai naapertorlugit 2015-mi kisitsisit takutippaat, maannakkut aqumiusut pingajorarterutaat ukiualunnguit ingerlanerinnaanni soraarninngortussaasut. Peqataanillu pisariaqartitsineq naammassiniarlugu aqumiutut atorfinitsinneqarsinnaasut sulii ikippallaartut.

Aalisarnermik inuussutissarsiutillit akornanni sulisussaaleqineq ernummatigineqarpoq.

Apeqqutit akeqqakka ullut suliffiit naliginnaasut qulit iluanni.

Inussiarnersumik inuulluaqqusillunga

Michael Rosing
Attaviitsoq